

Reykjavík, 11. Ágúst. 2020

Efni: Umsögn SAF – Samtaka ferðaþjónustunnar um drög að frumvarpi til laga um breytingu á lögum um náttúruvernd nr. 60/2013 (Mál nr. 169/2020).

SAF – Samtök ferðaþjónustunnar hafa yfirfarið drög að frumvarpi til laga um breytingu á lögum nr. 60/2013 sem var birt á samráðsgátt stjórnvalda 03.09.2020 (mál nr. 169/2020). Drögin snúa að breytingum á náttúruverndarlögum nr. 60/2013 og miðað að því að stytta kynningartíma friðlýsingaráforma, kortleggja víðerni, færa undanþáguheimildir til Umhverfisstofnunar og þar með gera þær ákvarðanir kæranlegar.

SAF – Samtök ferðaþjónustunnar vilja koma á framfæri ábendingum varðandi áform um lagabreytingar.

2. gr.

Eftirfarandi breytingar verða á 2. mgr. 38. gr.:

- a. Við 4. málsl. bætist: með þeirri undantekningu að frestur til að gera athugasemdir við friðlýsingaráformin skal vera að lágmarki tvær vikur.
- b. Við 2. mgr. bætist nýr málslíður svohljóðandi: Ekki er þörf á að ákveða hvaða flokki friðlýstra svæða lagt er til að viðkomandi svæði muni falla undir fyrr en drög að friðlýsingarskilmálum, sbr. 39. gr., eru unnin.

Samtökin vilja ítreka það sem þau bentu á í umsögn sinni um laga áform sömu laga breytinga. Tvær vikur í kynningarfrest einstakra friðlýsinga er að mati samtakan full knappur kynningartími. Í meðfylgjandi greinargerð tekur ráðuneytið undir þá sýn en bendir á að í breytingum er gert ráð fyrir að frestur sé að lágmarki 2 vikur og að skoða þyrfti hver friðlýsingaráform fyrir sig hvort að tilefni sé að lengja umsagnafrest. Í stað þess að þurfa að leggja slíka mat á hvert mál fyrir sig væri nær að festa kynningarfrestinn í 4 vikum sem þá bæði gæfi nægan tíma til upplýsingaöflunar og vinnslu umsagna.

Ráðuneytið leggur til að bætt verði við nýjum málslíð sem miðar að því að ekki þurfi að ákveða friðlýsingarflokk fyrr en drög að friðlýsingarskilmálum eru unnin. Verður að teljast stóruðalegt að slíkur málslíður sé lagður til enda mætti ætla að friðlýsingarflokkur væri eitt af grunnskilyrðum þess að friðlýsingaráform séu unnin áfram. Samtök Ferðaþjónustunnar hvetja ráðuneytið til þess að falla frá þessari tillögu enda mikilvægt að ferli friðlýsinga sé vel formað frá upphafi til enda, tryggt sé að ýtrasta gagnsæis og skýrleika í framsetningu

friðlýsingaráforma sé fylgt og þannig komið í veg fyrir mögulega árekstra seinna í friðlýsingarferlinu.

Samtökin ítreka þá skoðun sína að gera verði ítrustu kröfur til gæða og gagnsæis við gerð friðlýsingartillagna og í því samhengi að kanna hvort rétt sé að fyrirskrifa í lögin, verklag varðandi upplýsingagjöf og aðkomu hagaðila við slíka vinnu.

Samtökin vilja að lokum minna á mikilvægi þessa að hafa gott samráð við hagaðila

Agúst Elvar Bjarnason

Virðingarfyllst,

f.h. SAF – Samtaka ferðaþjónustunnar